

"SABAR DALAM KEHIDUPAN"

مُوتُنَّ إِلَّا وَأَنتُم مُّسلمُونَ.

Sidang Jumaat yang Dirahmati Allah.

Saya menyeru agar kita bersama-sama meningkatkan ketakwaan kita kepada Allah subhanahu wataala dengan melaksanakan segala perintahnya dan meninggalkan segala larangannya. Mudah-mudahan ianya akan memberikan manfaat kepada kita di dunia dan di akhirat.



Khutbah pada kali ini amat mendorong kita menjadi insan yang "SABAR DALAM KEHIDUPAN".

Sidang Jumaat Yang Dirahmati Allah,

Apabila Allah uji kita dengan sesuatu ujian, bagaimanakah caranya kita mahu menghadapi ujian ini?

Pertama sekali ialah sabar, sebagai contoh ada orang yang jiwanya tertekan dan ingin terjun bangunan. Ada orang tidak mampu menahan tekanan jiwa dan rasa mahu menjerit. Menurut kaedah ilmu kaunseling bahawa dengan menjerit dan meluahkan perasaan adalah satu dari cara meredakan tekanan. Sedangkan Islam menganjurkan amalan-amalan tertentu untuk kita meringankan tekanan yang dihadapi. Antaranya adalah;

- 1. Banyakkan bertenang.
- Biasakan diri dalam keadaan berwuduk.
- 3. Banyakkan berzikir dan berselawat.
- 4. Memperbanyakkan solat sunat.
- 5. Memperbanyakkan berdoa kepada Allah.
- 6. Bersangka baik kepada Allah.

Sidang Jumaat yang dirahmati Allah,

Apabila disebut masalah, sebenarnya setiap orang tidak akan terlepas daripada menghadapi masalah selagi hidup di dunia ini. Lepas satu masalah selesai, masalah lain pulak yang akan datang. Inilah sunnatullah.

Firman Allah SWT dalam Surah Al-Ankabut ayat 2 dan 3 :



أَحَسِبَ ٱلنَّاسُ أَن يُتَرَكُوۤا أَن يَقُولُوۤا ءَامَنَّا وَهُمۡ لَا يُفۡتَنُونَ ﴿ وَلَقَدُ فَتَنَّا ٱلَّذِينَ مِن قَبَلِهِمۡ فَلَيَعۡلَمَنَّ ٱللَّهُ اللَّهُ اللَّهُ اللَّهُ اللَّهُ اللَّهُ صَدَقُواْ وَلَيَعۡلَمَنَّ ٱلْكَذِبِينَ ﴿ وَلَيَعۡلَمَنَّ ٱلْكَذِبِينَ ﴿ وَلَيَعۡلَمَنَّ ٱلْكَذِبِينَ ﴿ وَلَيَعۡلَمَنَّ ٱلْكَذِبِينَ ﴿ وَلَيَعۡلَمُنَّ اللَّهُ اللْهُ اللَّهُ اللَّهُ اللَّهُ اللَّهُ اللَّهُ اللَّهُ اللْهُ اللَّهُ اللَّهُ اللَّهُ اللْهُ اللَّهُ اللَّهُ اللَّهُ اللْهُ اللَّهُ اللْهُ الللَّهُ اللَّهُ اللَّهُ الللَّهُ اللَّهُ الللللَّهُ اللَّهُ اللللْهُ اللَّهُ اللَّهُ الللللْهُ اللَّهُ الللللْهُ اللللْهُ اللللْهُ اللللْهُ اللللْهُ اللَّهُ اللللْهُ اللللْهُ اللَّهُ اللللْهُ اللَّهُ اللللْهُ الللْهُ اللَّهُ اللللللْهُ الللللْهُ اللللْهُ الللْهُ الللللْهُ اللللْهُ اللللْهُ اللللْهُ الللْهُ اللللْهُ الللللْهُ الللللْهُ اللللْهُ الللللْهُ الللللْهُ الللللْهُ اللللللْهُ اللللللْمُ الللللْهُ الللللْهُ الللللْهُ الللللْهُ الللللْهُ اللللللْمُ اللللللْمُ اللللللْمُ اللللْهُ الللللْمُ اللللللللْمُ الللللْمُ اللللللْمُ اللللللْمُ الللللللللْمُ الللللللْمُ اللللللللْمُ الللللللْمُ الللللللْمُ ا

"Apakah manusia menyangka bahawa mereka akan dibiarkan dengan hanya berkata, "Kami beriman," sedangkan mereka belum diuji (bagi membuktikan keimanan mereka"? Sesungguhnya! Kami telah menguji orang yang terdahulu daripada mereka, maka sesungguhnya Allah mengetahui orang yang sebenar-benarnya beriman dan Dia juga mengetahui orang yang berdusta".

Pengajaran daripada ayat ini menyedarkan kita bahawa manusia sentiasa diuji untuk melihat bagaimana tahap keimanan seseorang terhadap Allah SWT.

Sidang Jumaat Yang Dirahmati Allah,

Apa yang dikatakan masalah itu adalah satu bentuk ujian dan dugaan daripada Allah SWT untuk kita membuktikan, sejauh mana kebenaran dan keutuhan akujanji iman kita kepada-Nya. Yang pentingnya jangan kita bersangka buruk terhadap Allah yang memberikan ujian dan dugaan kepada kita.

Sidang Jumaat Yang Dirahmati Allah,

Sabar dalam kehidupan mempunyai beberapa jenis:

1. Sabar dalam melaksanakan perintah Allah SWT.



Allah telah memerintahkan kepada kita bersabar dalam melaksanakan ketaatan dan perintah-perintah Allah contohnya perintah melaksanakan solat, mungkin bagi sebahagian orang sangatlah berat untuk melaksanakannya.

Firman Allah SWT dalam surah al-Baqarah ayat 45:

"Dan mintalah pertolongan (kepada Allah) dengan jalan bersabar dan mengerjakan solat; dan Sesungguhnya solat itu amatlah berat kecuali kepada orang-orang yang khusyuk".

Begitu juga dengan kewajipan-kewajipan lainnya seperti puasa, haji, berzakat dan ibadah-ibadah lainnya. Akan tetapi bagi mereka yang sentiasa bersikap sabar dan teguh pendirian dan keimanan kepada Allah SWT nescaya akan menghasilkan kemanisan dalam kehidupan. Sabar terhadap ketaatan yang sememangnya banyak halangan. Nafsu itu tabiatnya tidak suka dan malas pula untuk melaksanakan amal ketaatan.

Contoh yang telah Allah berikan kepada kita adalah kisah Nabi Ibrahim AS, yang diperintahkan oleh Allah melalui mimpinya untuk menyembelih anak yang disayangi dan dicintainya. Namun seperti yang kita ketahui, Nabi Ibrahim AS dengan ikhlas dan sabar melaksanakan perintah tersebut, Allah SWT menerima korban Nabi Ibrahim dan menggantikannya dengan seekor kibas.

2. Sabar untuk meninggalkan dan menjauhi larangan Allah SWT.



Ini termasuk sabar yang berat, karena kita dituntut untuk sentiasa menghindari semua hal tersebut. Dan kiranya kita mampu sabar dengan semua larangan tersebut, tentunya kita akan diberikan ganjaran pahala yang sangat besar dari Allah SWT.

Contoh yang telah Allah nyatakan dalam Al-Quran adalah: kisah Nabi Yusuf AS dengan kesabaran yang dimilikinya, beliau selamat daripada godaan syaitan untuk melakukan zina. Ini ujian yang berat. Hanya dengan kekuatan keimanan dan ketaqwaan kepada Allah SWT sahajalah maka dugaan ini dapat dihindarkan.

Lalu bagaimana dengan kita? Sejauh mana kesabaran kita menghadapi ujian untuk meninggalkan kemaksiatan dan menjauhi larangan Allah.

Firman Allah SWT dalam surah Yusuf ayat 90:

"Sebenarnya sesiapa yang bertakwa dan bersabar, maka sesungguhnya Allah tidak mensia-siakan pahala orang yang berbuat kebaikan".

3. Sabar dalam menghadapi ujian dan cubaan.

Sabar terhadap kesusahan dan bala bencana yang menimpa kepada manusia biasa bahkan juga kepada nabi. Antara yang dinyatakan oleh Al-Quran ialah sabar menghadapi kefakiran atau kelaparan, bersabar terhadap kesakitan, ketika peperangan atau ketakutan, kehilangan jiwa dan harta benda.

J



Firman Allah SWT dalam surah al-Baqarah ayat 155:

"Demi sesungguhnya! Kami akan menguji kamu dengan sedikit perasaan takut (kepada musuh) dan (dengan merasai) kelaparan, dan (dengan berlakunya) kekurangan dari harta benda dan jiwa serta hasil tanaman. Dan berilah khabar gembira kepada orang-orang yang sabar".

Sidang Jumaat yang dirahmati Allah,

Allah juga telah memberikan contoh dalam al-Quran dengan penderitaan yang telah dialami oleh Nabi Ayub AS, beliau menderita dengan penyakit kulit dalam tempoh yang lama, kematian anak bahkan kehilangan harta-hartanya sehingga tidak ada seorangpun daripada manusia yang mahu mendekatinya. Beliau menderita penyakit ini selama 18 tahun, satu tempoh masa yang amat lama. Namun beliau tidak sedikitpun mengeluh dan berputus asa dengan apa yang telah ditakdirkan oleh Allah kepadanya. Sebaliknya beliau terus berdoa sepertimana telah dikisahkan dalam firman Allah SWT dalam surah al-Anbia' ayat 83:



"Dan (sebutkanlah peristiwa) Nabi Ayub, ketika ia berdoa merayu kepada Tuhannya dengan berkata: "Sesungguhnya aku ditimpa penyakit, sedang Engkaulah sahaja yang lebih mengasihani daripada segala (yang lain) yang mengasihani".

Kita sangatlah lemah dan tidak sabar dikala kita diuji dengan sakit, meskipun hanya sakit yang sementara dan tidak terlalu berbahaya, ramai di antara kita yang selalu mengeluh bahkan ramai pula yang mencari jalan pintas, sanggup membelanjakan wang yang banyak dengan melakukan perbuatan-perbuatan syirik dan khurafat untuk sembuh dan mendapat kesejahteraan hidup di dunia yang sementara. Naudzubilah min dzalik.

Mengakhiri khutbah pada hari ini, maka marilah sama-sama kita mengambil iktibar seperti mana saranan berikut:

- Sabarlah dalam melaksanakan perintah Allah dan meninggalkan segala larangan-Nya serta meyakini bahawa ujian itu merupakan tanda kasih Allah SWT kepada hamba-Nya.
- Setiap muslim hendaklah bersabar apabila Allah SWT memberikan nikmat kekayaan dan kesenangan kepadanya. Ini kerana tidak ramai manusia yang berjaya menghadapi ujian daripada nikmat kesenangan ini.
- Hadapilah ujian hidup dengan kesabaran diiringi dengan usaha dan doa.
 Apa-apa pun perkara yang menimpa kita, InsyaAllah ia akan menjadi kebaikan sekiranya dapat dihadapi dengan sikap positif, ikhtiar yang maksimum dan diikuti dengan doa serta tawakkal.



4. Yakinlah semakin besar dan banyak cubaan yang Allah turunkan kepada kita, semakin tinggi kesabaran yang diperlukan, semakin besar pula pahala dan rahmat Allah yang akan dilimpahkan kepada kita.

أَعُوذُ بِٱللَّهِ مِنَ ٱلشَّيَطَينِ ٱلرَّجِيمِ يَنَأَيُّهَا ٱلَّذِينَ ءَامَنُواْ ٱصِّبِرُواْ وَصَابِرُواْ وَرَابِطُواْ وَٱتَّقُواْ ٱللَّهَ لَعَلَّكُمْ تُفْلِحُونَ ﴿

"Wahai orang-orang yang beriman, bersabarlah kamu (menghadapi segala kesukaran dalam mengerjakan perkara-perkara yang berkebajikan), dan kuatkanlah kesabaran kamu lebih daripada kesabaran musuh, di medan perjuangan), dan bersedialah serta bertakwalah kamu kepada Allah suapaya kamu berjaya (mencapai kemenangan)."

(Surah Ali-Imran: 200).



بَارَكَ الله لِي وَلَكُمْ بِالْقُرْآنِ الْعَظِيْمِ، وَالْقُرْآنِ الْعَظِيْمِ، وَالْقَرْآنِ الْعَظِيْمِ، وَالْقَرْقِ وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ الْحَكِيْمِ وَتَقَبَّلَ مِنِّيْ وَمِنْكُمْ تِلَاوَتَهُ, إِنَّهُ هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَالْمُسْلِمَاتِ، وَلَكُمْ وَالْمُسْلِمَاتِ، وَالْمُسْلِمَاتِ، فَاسْتَغْفِرُوهُ إِنَّهُ مَهُوَ الْغَفُورُ الرَّحِيمُ.



KHUTBAH KEDUA

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama islam. Sebaliknya seluruh umat islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.



Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki



kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadratmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman yang difatwakan sesat.

Ya Allah, bukakanlah hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orangorang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor (TAPIS) dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبُّنَا هَبْ لَنَا مِنْ أَزُوَ جِنَا وَذُرِيَّتِنَا قُرُّةَ أَعْيُنِ وَالْجُعَلْنَا لِلْمُتَّقِينَ إِمَامًا. رَبَّنَآ ءَاتِنَا فِي اللَّنْيَا حَسَنَةً وَقِنَا عَذَابَ النَّارِ. عِبَادَ حَسَنَةً وَقِنَا عَذَابَ النَّارِ. عِبَادَ اللهِ، إِنَّ اللهَ يَأْمُرُ بِالْعَدلِ وَالْإِحْسَنِ وَإِيتَآيِ ذِي



JAIS/Nurul 29.07.2015